

حرد علیہ

مشخت جلیله اسلامیه مک جرده رسمیه سید
ربیع الاول ۱۳۳۴ (*)

عزو: ۶۹

آیدہ بر نشر اولنور

ایکینجی سنہ

تکفور طانگی سنجانی محکمه شرعیه سندن اعطا اولنان ۱۷ محرم سنه ۳۳۴ تاریخلی حجت خلاصه سی در .

حفیظه خانم اوغلی مصطفادان نفقه دعوی ایدر . مرقوم مصطفی دخی والده سی مدعیه نك معلوم خانه و اراضی سنی بسلمك شرطیله قزی هدیه خانمه فراغ ایلدیکنی و بسلمك مزبوریه عائد ایدوکنی سویلر . ولدی المراجعه قیود رسمیه دخی بومرکزده اولدینی تحقق ایلر . مدعی علیه مرقوم اوتوز غروش نفقه و یرمکه راضی اولمغله قاضی مذکور المقدار نفقه بی تقدیر ولدی الاقتضا بالاستدانه اوغلنه مراجعت ایتمکه مدعیه بی اذن و یرر . اشبو حجت وجوه آتیه ایله مختلدر :

۱ — مدعیه نك برده صلییه قزی موجود اولدینی جهتله کل نفقه بی اوغلندن ادعا ایتسی موافق شرع عالی دکلدر .

۲ — مدعیه عقارات معلومه سنی بسلمك شرطیله قزینه هبه و فراغ ایتش اولدیغنه و بحکم العقد مزبور مدعیه بی بسلمکه مجبوره بولندیغنه و بسلمدیکی تقدیرده عقاری بالاسترداد مسکن شرعیسندن بشقه سنی بعدالبیع نفقه سنه صرف ایده بیله جکنه کوره حال حاضرنده عیه معسرله اولدیغنه کوره مزبور نك اوغلندن نفقه طلب ایتمکه حتی یوقدر .

۳ — مدعی علیه هر تقدیر شهری معلوم المقدار نفقه و یرمکه راضی اولمش ایسه ده اشبو اعطا علی وجه الوجوب اولیوب بطریق التبرع اوله جفی و متبرعك هر وقت تبرعدن رجوعه حتی درکار بولندینی حالده قاضینك نفقه مرضیه مذکور بی تحت حکمه آلاق لدی الايجاب بعدالاستدانه مدعی علیه مراجعته قرار و یرمسی خلاف شرع عالیدر . بناءً علیه حجت مذکوره مختلدر .



مذاکر و محررات علییه

« موصل مرکز قاضیلکته اوراق تمیزیه به دائر جواباً یازیلان تحریرات علییه صورتیدر »

مستدعی تمیز طرفندن و یریله جك تمیز استدعاسی اوزرینه خرج تدقیق و پول کبی مصارفی میز لدی الطلب و یرمدیکی حالده اوراق تمیزیه الیقونلیه رق مرجعه ارسالی و کیفیتك تحریراتده بیانی مناسب و تمیز حقنده کی ماده نظامیه مدت معینه ظرفنده اعتراض اولنماسیله و جاهی حالی اکتساب ایدن اعلامات غیابییه بی مدت تمیز ظرفنده محکوم


عليه حق وصلاحيه بخش ايتام اولديني حالده بونلرك محللرندە حڪم غياني به اعتراضه مجبور طوتلملري نظامه مخالف اولديني كي حڪم غياني به اعتراض ايدوبده دعوتە اجابت ويوم معينده مراجعت ايتيان معترضك حقنده حڪم غيانيك تنفيذي نظامنامه مذكورك دردنجي مادهسي مقتضاسندن اولغله خصوصات مباحوث عنهاده اولوجهله معامله اولنسنك مجلس تدقيقات شرعيه افاده سيله اشعارينه مبادرت قلندي .

★
★

« ايتام صندوقندن استقراض اوزرينه مترتب معاملاتده يازيلان مذكورله الصاق ايديلهك پول وسائر حقنده »

ايتام صندوقندن استقراض ايلدكلري مبالغى مدت ادانهك انقضاسنده تسويه ايدمه میان مستقرضلرك اموال ايتام نظامنامه سنك اللى ايكنجى مادهسى موجبجه اوراقى لاجل التحصيل دائرة اجرايه ويرلمسى اوزرينه تبليغات مقتضيه ياپلدقن صكره ينه تسويه دين ايتمدكلري حالده حبساً تحصيلي ضمننده يازيلان مذكورلرك شخصه عايديتندن بحثله بررغرو شلق مقطوع پول وايكيشر غرو شلق حجاز علم وخبرى ومستقرض مأموريندن ايسه حجز معاش ايچون ايكي حجاز علم وخبرى وايكي غرو شلق مقطوع پول الصاقى لازم كله چكي ومذكور مذكورلرك بش غروش قيديه تابع بولنديني وماه بماه تسويهسى مشروط نمالردن متراكم مبلغ ايچون ويريلهك مذكورلر زيرينه يازيله حق مقتضالرده غروش نسبتنده كذا پول الصاقى ومذكور مذكورلردن بيك غروشه قدر اولانلرينك بر ويكي متجاوز بولنانلرينك اون غروشلق حجاز ورقهسى اوزرينه تحريري ايجاب ايدم چكي اجرا مأموريتندن بيان ايدلديكي مغله ايتام مديريتندن اموال ايتام وييت المال مديريته مرسل تحريراتده ازبار قلمسى اوزرينه اجراى حكى طلب اولنان اعلامات آيروه عر ضحال اعطاسنه حاجت اولمقسزين دوائر اجرائيه توديع اولنه بيله چكي ومعاملات متعاقبه اجرائيهك دائرة مذكورده طوتيله حق ضبطنامه به درج اولنه چنى اجرا قانوننك اوتوز يدنجى مادهسى احكامندن اولغله كرك مديونك حبسى وكرك حجز معاش واموالى خصوصالرنده ايتام مديريتندن آيروه مذكوره تسطيرينه محل اولمايوب بو خصوصه متعلق مطالباتى دائرة اجرايه موجود ضبطنامه زيرينه تحرير وامضا ايتمى كافى اولديني كي مأموريندن اولان مديونلرك معاشنك حجزى كيفيتى دائرة اجرايه تعلق ايتيوب ايتام نظامنامه سنك معدل قرق طقوزنجى مادهسى موجبجه رأساً منسوب اولديني دائرهيه اشعار ايله حجزك ايفاسى قابل اولديني ونمالرده متراكم مبلغ ايچون ايتام اداره لرنندن اعطا

ایدیله جك مذ كره لرزیرینه یازیله جق تنفیذ در كنار لری ده مقتضی اعلامی ماهیتی حائز اولمایوب
 دأرتین بینده تعاطی ایدیلن و تمغا قانوننك معافیات فصلنك بر نومروسی موجبجه رسم
 تمغایه و حجاز اعانه سنه تابع بولنمیان محرراتدن معدود بولندینی و معاملات ایتمه متعلق
 اوله رق دوائر اجراییه رسماً تودیع اولنان بوقیل مذ كره لردن قیدیہ انعامقده اولدینی
 و در سعادت اجرا دائره سنجه بویولده جریان ایتمكده اولان معامله نك طشره لرحه ده
 تطبیق لازمه دن بولندینی جهتله بویابده مأمورین عائدہ سنه تبلیغات لازمه اجرایی
 خصوصی مدیریت مذ كوره افاده سیله عدلیه نظارتنه اشعار ایدلمشدر .



تبلیغات عمومی

• یکیدن تدوین ایدیله جك علم کلام ایچون تودیع اولنه جق آثار حقنده »

بك مهم اولان علم کلام تدریساتنك احتیاجات حاضره یه كوره اجرایی تأمین ایچون
 بر اثر مکمل وجوده کتیرلمسی ضمنتده ارباب کمال و اختصاصدن بر انجمن مخصوص تشکیل
 ایدلمش اولمقله برابر شو مقصد علویده ایثار فضل و عرفان ایلله جك بالجمله فحول علمانك
 همم بر کزیده لرندن ده استفاده ایدلمك امنیه سنده بولندیغنه و بویابده مصر و ف اوله جق مساعی
 فضیلتکارینك عند جلیل الهی و نزد جمیل رسالتپناهیده نه درجه مستلزم خشنودی اوله جنی
 مستغنی تذکار بولندیغنه بناء بومقدس خدمت دینییه اشتراك امل مبجلنده بولنه جق قرك
 اعصار اخیرده ظهور ایدن مسالك جدیده اصحابنه قارشیده عقلی و فنی دلائل قاطعه
 و براهین واضحیه احتوا ایتمك و ترکی عربی فارسی لسانلرندن بریله محرر اولمق اوزره قلمه
 اله جق قری اثری دائره مشیخت اسلامی ده انعقاد ایدن سالف الذکر انجمنجه لاجل التدقیق
 مقام فاضلانله رینه تودیع ایتملری حمیت دینیله لرندن منتظر اولدیغنك و آثار وارده نتیجه
 تدقیقاندہ تعین ایده جك درجه مکملیه كوره مظهر مکافات اوله جغنك محلی علمای کرامنه
 کمال اهمیتله بیانی و تودیع ایدیله جك آثارك مسارعة ارسالی و نسخ ملفوفه نك ملحقات
 قضاتنه اسرایی خصوصلرینه همت اولمسی سیاقنده شقه محبی ترقیم قلندی .

۱۵ جمادی الاولی ۱۳۳۴ و ۷ مارت ۱۳۳۲